

# Hautetsiek beren ardurak bete ditzatela eskatu du Deiadarrek

Maule, Donibane-Garazi, Donibane-Lohizune eta Saran zita gaur

**H**eldu den uztailan Frantziako Asanblea Nazionalak Konstituzioa aldatzeko legegintzaldia izanen duela-eta, euskal deputatuek beren ardurak bete eta euskararen ezagupena gauzatu dezaten galdegin zuen atzo Deiadar kolektiboak Amikuze, Hiriburu eta Baionan.



Deiadar kolektiboak deituta atzo Baionan egin zen ekitaldia.

BOB EDME

Hur Gorostiaga / Baiona

EUSKARAREN ezagupena eta iraunbizitza galdegiteko, Deiadar kolektiboak mobilizapen asteburaren bigarren atala bete zuen atzo. Amikuzen ikastolaren festa ospatzen zutela-eta bildu ziren hainbat kide. Kostaldean, berriz, goizaldean Hiriburu eta Baiona izan ziren hitzordu nagusi.

Hiriburun A63 eta A64 autobideek bat egiten duten gunean bildu ziren Deiadarko kideak, 70 metro inguruko banderola luzeluzea bertatik igarotzen ziren auto eta kamioi gidariei erakusteko. Bete hitza, euskarari lege geriza zioen banderolak, Deiadar kanpaina aurtengo urte hastapenean abiatu zenetik, hainbat alditan ikusi eta entzun ahal izan den leloa.

Baionan, berriz, merkatuaren aitzinean bildu ziren hainbat kide, zubitik zubira luzatu zen banderolaren atxikitzeke. Baionako ekitaldian, jende ugariarekin mintzatzeko parada izan zuten, baita informazio paperak banatzeko ere.

«Hautetsiek beren ardurak hartu eta bete behar dituzte. Uztailan Frantziako Konstituzioa aldatzeko dute Pariseko Asanblea Nazionalean, eta ez dezakete parada hori pasatzeratu, euskarak bere tokia izan dezan», zioen Aines Dufau kolektiboko kideak. Izan ere, Garapen Kontseiluaren bidez eta agerraldi publikoetan, denak agertu izan dira euskarari onarpena emateko ados, «baina praktikan fitxik ez». Apirilean milaka jende mobiliza-

tu eta gero «euskarak oraino deus erdietsi ez» duela salatzen tenorea dela adierazi zuten Deiadarko kideak, atzoko eta asteburu osoko ekimenen zergatia azaltzerakoan.

Baionako ekimenak, gisa berean, erranahi berezia izan zuen, Nicole Pery gaur egungo Gobernu kidea, bertakoa izanik. Hizkuntzei buruzko misioa berak abiatu zuen Jospin Lehen Ministroaren aginduz, eta hainbat bilkura eta adierazpen egin ondoren, hainbat aintzinapauso hitzeman bazituen ere, bururaino joan

gabe, misioa Britainiako hautetsi bati pasatu dio, oraingoz, inolako berritasunik gabe.

**Gaur hitzordu gehiago** • Gaurko hitzordu ugari iragarri ditu Deiadarrek. Unerik garrantzitsuenak, aldiz, Donibane-Lohizunen finkatu dute, estropadak kari. Gainerantzean, Maulen eginen den Ekialdean Euskaraz bestan, Donibane-Garazin goizeko hamaketan eginen duten herriaren itzulian, eta Sarako herriko plazan, mezaren ondotik eginen duten elgarretaraztean bilduko dira euskararen aldeko kideak. X

## Ekologistek lindano planta okupatu dute

Plantaren kokapenaren kontra protestatu dute

Erredakzioa / Barakaldo

SEGURTASUN neurriak gaintuz, ekologista talde batek Barakaldon eraikitzen ari diren lindanoa tratatzeko planta okupatu zuten atzo, Lindano (HCH) eta Pestizidei buruzko Nazioarteko V. Biltzarrean parte hartzen ari diren munduko adituek bisitatzen zuten unean.

Protesta ekintza horrekin, Eusko Jaurlaritzak sustatzen duen pestizida kutsakor hori tratatzeko plantaren kokapenaren kontra protestatu nahi izan zuten ekologistek.

Ekintza goizeko 06:00etan hasi zen; bost ekologista planta inguratzen duen harresia eskalatzen saiatu ziren, baina zinpeko goardiak detektatu egin zituzten eta bik bakarrik lortu zuten harresira igotzea. Bi horiek azpiegituraren kontrako pankarta bat zabaldu zuten bertan.

Bitartean, plantako segurtasun neurriak eta Ertzaintza ohartu gabe, beste bi ekologista atzeko partetik sartu ziren instalazioetara. Ur biltegi baten atzean ezkutatu ziren eta goizeko 09:00ak arte ez zituzten atzeman.

Bi ekologistek pankarta bat zabaldu eta lindano plantari buruzko erreferenduma egitea exijitu zuten. Bitartean, sarrean ekologista talde batek azpiegitura kimikoaren kontrako esku-orriak banatu zituen Nazioarteko Biltzarrean parte hartzen ari diren adituak autobusez heldu zirenean.

Ur biltegiaren goian zegoen ekologistetako batek plantara sartu eta esku-orriak banatu zituen bisita egiten ari ziren adituen artean. Ondoren, alde egin zuen eta, une horretan, ertzain bik eskuburdinak ipini eta gunetik kanpo atera zuten aske utziz. X



EKI-k kideak, atzo egin ekintzaren une batean.

LUIS TEJIDO

**VAP**  
HERRI ARDURALARITZAREN  
EUSKAL ERAKUNDEA

**EUSKAL AUTONOMI ERKIDEGOKO  
ADMINISTRAZIOAK BEHAR DITU:  
ZAINKETA EPIDEMIOLOGIKORAKO  
TEKNIKARIAK (3. HE)**

BETEBEHARRAK:

- Titulazioa: Biologoak, Soziologoak, Farmazeutikoak edo Albaitariak.
- Ezaguera espezifikoa: Urtebeteko esperientzia zainketa eta analisi epidemiologikoetan.
- 3. Hizkuntza eskakizunari dagokion ezagutza maila 3 (97/10).

Lanpoltsa honen helburua, Euskal Autonomi Elkarte Administrazio Orokorrean zein bere Erakunde Autonomoetan aldi baterako zerbitzuak betetzea da.

Eskari-orrietarako eta argibideetarako hona helbideak:

- HAE Earen Gasteizko egoitza Wellingtono Dukearen kalea, 2
- HAE Earen Bilboko egoitza Errekalde zumarkalea, 18-1.a
- HAE Earen Donostiako egoitza Prim, 7
- HAE Earen Oñatiko egoitza Oñatiko Unibertsitatea

Eskaerak aurkezteko epea aurtengo uztailaren 3an, ostirala, amaituko da.

Erakunde autonomiarena  
Organismo autonomo del  
**EUSKO JAURLARITZA**  
**GOBIERNO VASCO**

**AZPEITIKO  
UDALA**



**AYUNTAMIENTO  
DE AZPEITIA**

**EDIKTOA**

**UDALTZAIN LANPOSTUAK HORNITZEKO HAUTAPEN  
PROBETARAKO DEIALDIA.**

Azpeitiko Udaltzainak 1998ko ekainaren 25an egindako bilkuran, Lehiaketa-Oposizio irekiaren sistema bidez ondorengo lanpostuen hautapen probetarako oinarriak onartu ditu.

**Lanpostuak: aldi baterako fontzionario interino moduan, bi udaltzain lanpostu.** 2 Hizkuntz eskakizuna derrigorrezkoa. **Iraupena:** 6 hilabete.

**Lekua: Azpeitiko herria.**

Izangaiek eduki behar dituzten baldintzak eta lanpostuen zereginak Udaltean aurkitzen diren oinarrietan zehazten dira. **Lanpostuen ezaugarriak onarrietan azaltzen dira,** oinarriak eta eskariak Azpeitiko Udalararen Erregistro Orokorrean aurkitzen dira (Enparantza Nagusia, 5).

Eskariarekin batera: **-E.N.A.ren fotokopia.** -Eskatutako Hizkuntz Eskakizuna lortu eta hura eskuratua duela akreditatzen duen dokumentuaren fotokopia. (Azterketa egingo da Hizkuntz Eskakizuna ez dutenekin). **-Eskola Graduatu titulazioaren fotokopia aurkeztu behar dira.** Azkenik, **-Gida Baimenaren fotokopia ere aurkeztu beharko da.**

**Eskariak aurkezteko epea:** 1998ko uztailaren 6a bitartean, Azpeitiko Udalararen Erregistro Orokorrean (Enparantza Nagusia, 5).